

sejo, qu. sier Luca, va proveda-
dor a Padoa
Non. Sier Zuan Paulo Gradenigo, fo pro-
vedador zeneral in campo, va in
Cypro
Non. Sier Zorzi Corner el cavalier, pro-
curator, fo provedador zeneral in
campo

Fu posto, per i savii tutti, che sier Sebastian Zu-
stignan el cavalier e provedador in Dalmatia habi
autorità di sinico, avogador, provedador et executor
de li rectori e altri di la Dalmatia, *ut in parte*, et
de aldir le appellation, *ut in parte*. 40 di no, 106
di si.

Fu posto, per i savii ai ordeni, che la nave Si-
mitecola che va in Soria e con legnami per Rodi,
che, atento il pericolo, fazi discargar qui e si pagi
per avaria i noli, e poi li diti legnami si mandi su al-
tra nave a Rodi a risego di marchadanti di dita na-
ve, *ut in parte*, e fu presa. Questo fu fato per essere
il gran maestro di Rodi francese.

Fu posto, per i savii, certo marchà con uno ze-
noese vol dar a la Signoria ducati 5000 contadi et
stera 4000 formenti a lire 5 il staro, et li dà reven-
dudi a lire 4, et vol, termine mexi 14, aver tutti i
danari e dita di banco, e fu presa; sichè la Signoria
vien aver bota a razon di per cento a l'anno.

Fu posto, per li savii ai ordeni, certa provision
over officio al Zante, a uno li fo cavà li ochi per sier
Hironimo Contarini, era provedador in armada, *ut
in parte*, e fu presa. Arà ducati 2 al mexe, *videli-
cet* la scrivania dil dazio di la macina dil Zante. 12
di no.

191* Fu posto, per li savii ai ordeni, certa parte di
elezer per Pregadi sora i cotimi con autorità *ut in
parte*; la copia di la qual sarà posta qui avanti.

Fu posto, per i savii, una letera in corte a l'ora-
tor nostro *pro forma* sollicitar il Papa mandi li da-
nari per li sguizari. *Item*, fazi venir le so' zente
avanti et mandarli li summarii etc. Presa.

Fu posto, per li diti, una letera in campo al pro-
vedador Capello. Come li danari parte è stà man-
dati e si manderà di altri, et voi usar ogni modestia
col cardinal reverendissimo, pregando lo vogli exor-
tar a far che sguizari slagino contenti; e altre parti-
cularità fo scrite, *ut in parte*. Presa.

Fu posto, per li diti, una letera a sier Marin
Zorzi el dotor, orator nostro, è a Bologna, avisarli
li felici successi et voglii sollicitar il ducha di Urbin
con quelle zente pontificie a spingersi avanti, perchè

si non si caza francesi de Italia nulla si à fato, perchè
a questo passo consiste il tutto. Presa.

Fu posto, per i consieri sier Antonio Loredan el
cavalier, sier Alvise da Molin savii dil Consejo, sier
Alvix Pixani savio a terra ferma, atento il bisogno
dil danaro, che Giacomo Arian e compagni ave il da-
zio dil legname dil, qual perde ducati 25 mi-
lia, vol prestar a la Signoria ducati 5000 et pagar
di pro perdando etc., *ut in parte*, a la qual mi ri-
porto. Fo contradita per sier Vetur Morexini, è so-
pra la sanità; li rispose sier Zorzi Emo el consier.
Poi sier Zacaria Dolfin savio dil Consejo, poi sier Al-
vix da Molin, poi sier Antonio Grimani procurator,
savio dil Consejo, et li rispose sier Alvix Pixani. E
il Grimani e Dolfin e sier Lorenzo Capello savio a
terra ferma messe, a l'incontro, sia revisto certe sue
raxon *ut in parte*, e dovendo dar, i pagi, et sia visto
i legnami fo trati e farli boni etc., *ut in parte*. Andò
la parte e fo presa quella dil Grimani.

Noto. In la letera fo scritta in campo, è una par-
ticularità in letere dil provedador Capello. Come
erano venuti in campo alcuni Gambareschi, fo fioli
dil conte Maffio, dicendo voler salvoconduto e fa-
riano bon officio; e fu posto, per i savii, una letera
al dito provedador che li desse speranza. Et dispu-
tata, contradise sier Gasparo Malipiero e sier Anto-
nio Condolmer fono savii a terra ferma, e per la le-
tera parlò sier Hor andò la letera e
fu presa. E poi *iterum* fu posto una altra letera che
li intertenisse senza darli risposta nè speranza, *imo*
volendo partirsi li retegnino.

Exemplum.

192

1511, die 19 junii, in Rogatis.

Questo Consiglio ha inteso, per le letere del con-
solo nostro de Damasco li superior giorni lecte, le
excessive et immoderate spese facte per el cottimo
de Damasco et per quello de Alexandria per causa
de li garbugli seguiti in quelle parti senza esserli
stà facta alcuna manzaria per el signor Soldan; et
per esser materia che recercha diligente inquisition
per beneficio de dicti do cottimi tanto aggravati,

L'anderà parte, che per scurtinio de questo Con-
seglio siano electi do provedadori nostri sopra dicti
do cottimi, come altre volte in simel casi è stà
observato, i quali siano obligati et habino libertà et
auctorità de receiver et examinar tuti li conti de le
spese facte per dicti do cottimi per causa de li gar-
bugli in ogni tempo seguiti in quelle parte, i quali